


www.BibleForChildren.org


Matthew 26



Khøuwa siks
mba mu:-ewabám,
Pasova khøuwa
kandambaqape. Yaq Yesu
Betani vemiav-té genøwáv. Betani
vemiav ndógo, ma Lazales geqotam,
ndego løvøte-te gekhandi:v.




Yaq Meli até
gundigu, Yesu-té
gunøwáv, botol-qase
tae et sisip
mbomambaqape, fia
kandambaqape, vøndōndap,
yaq Yesu-qa zenda tokhotapak-te
sasa mo:qouz. Yaq ekeza izúm
gumbøe-vuogím. Taqa sisip gò:yát.
Khoev-qape ùnime:-gutáv.



Yaq Zudas Iskaliot, ndego Yesu-gi pæv ezoqa
tuelv gegoam, ndego Mbumbukiam-gi iziz ezoqa
kandakanda-té genøwáv, manqat
vøm̄-kopo:nem, av nqægo,
Yesu tiqā zenda-tē genøvē.



Yaq ndigu khanakhanakh kandambá gindapem, teqa
manqat giyogem, neka yaq-moni etoam manqat
vømbō-einim. Yaq Zudas
nakhoa-qa ndøváo,
Yesu tiqa zenda-te,
ande āv kenévē.



Yaq pæv ezoqam āv
tini-matønømém, av Yesu
gezømbe-ein, Pasova lou
vømō-khakheinømem. Ndigu ate
av-té lou gi:logat, yaq Yesu flawa
ndøndapáz, Mbumbukiam-te ike
manqat vō-ein, sasa ndømbegim,
ekeza pæv ezoqam vøzō-etoam,
gezø-ein, “Mòzo-upøgím,
neka vōlouz.
Nqanek noqá
khá.”



Yaq izam nonqo ndøndáp,
waen-ús, Mbumbukiam ike
manqat vømbō-ein, ekeza paev
ezoqam vøzø-etoam, gezø-ein,
“Mòzo-izám, zo ate ndøzøte:go.
Nqanek noqá kóuk. Mbumbukiam
poev mé:-unimanqatín, tegi
ezoqam namba. Noqa kouk,
ezoqam kopoav zapayá
qanéwá.
Manqa-zapazapa
zømbé-sunguzát.”



Yesu Pita āv gembøe-eín nqáego, “Sáemon, Sáemon.
Nqáe! Saitan Mbumbukiam zo khamasim-qá yaq-té
gembøeviám. Ndego zo andé wit me mé:-evém, tag
vókhofovøēm. Geté no, nòguligulím, qo zapaya,
Saemon. Qoqa unimanqatin, betaqa-nàvøēm. Yaq
nqawa toqotøndo-qambuq, qafuap vøzøtøké. Yaq
tiqa unimanqatin
bezømbē-føgakh.”



Geté Pita gembo-qavøiu, “Evézøza. No kopømbá.
Ndimbula-te sænáv, qo namba, neka sizimú-pakhaén.”
Yaq Yesu gembo-ein, “Píta! No nqataqá-manqate.
Nqægo lova, kokolok naqanøká gé-ogeayák. Qo noqa
yaq-te, ndòqotøkhæ-nawám. Misiká toqoto-nawam.
Āv qoqoté-manqatát nqægo, ‘No ngenek ezoqam
nøtenøtenāk.’ ”




Yaq Yesu ekeza paev
ezoqam namba, khae
manqei-té ginøzáv. Taqa
iz, Getsemaní. Yaq
gimøfakhaz ndøgo, tegi
paev ezoqam, āv
gezømbe-eín nqægo, “Até
vo:qonøvé nqanek. No
elavøqase nøme nónáv.
Nomø-guligulím.”



Neka nøme āv gene-eín
nqáego, “Ába! Tát! Qo
kopømbaqapé, matev
ate ndægo toqogo.
Nqanek nqosøgeap
kandambaqape, ndøgo
ande ibøkha khaqain-qape
me tønømbe-fakhan, ambá
qøndapín. Geté matev āv
tabete-fakhán, av qoqa
poev ndægo. Ambá ndøgo,
av no nqanømbe-poev.”



Yaq ndakin Zudas tendowáv ndógo, nakhag ezoqam neka Mbumbukiam-qa khoev vos keoge ezoqam v̄ō-itub. Nginik, Mbumbukiam-gi iziz ezoqa kandakanda neka Felisi ezoqam ndokhofotáz. Yaq ndigu nakhag gigiap neka mogenda neka lampa v̄ondō-upøgim, gigeavun. Yaq paev ezoqa nøme, até gendego, Mbumbukiam-ge iziz ezoqam kandambaqape, tege sasai ezoqam, nakeamo gea v̄ombōkawa. Geté yaq Yesu gezø-ein, “Ság. Matev av nqægo tønév.” Yaq Yesu teqa gea gèmbokhanáz, nango v̄ombō-eqeieqei.



Yaq ezoqam ndigu gigeavun, até gindigonem, Yesu
vō-møvøinam, Mbumbukiam-ge iziz ezoqam
kandambaqape-qa khoev-te sasa ndø-ituim.

Pita até gezøpavát. Andé
qámbá gendopavam.

Khoev-te gimøfakhaz,

yaq uta mokho-te

ndøugu, gøinam

møndø-løvutám.

Yaq Pita tenøqóm


ndógo, ti namba,

ndigu gøinam-te

giquonavam.



Yaq Mbumbukiam-ge
iziz ezoqam
kandambaqape-ge
sasai ezoqam kopo,
ndego Pita gea
gembokawa, tege ekeza
ezoqam, gembo-ein, “Qo no
andé møteqamékh, ndøgo
khae-te.” Geté Pita nqawá
genønawám. Yaq ate av-té,
manqat ge:manqatam, kokolok
tùndi-ogeá. Yaq Pita bavokhó
genøfakhán, vømøvin. Eiv baza
ùni mbøepós, ge-eivat.




Yaq ndigu megetapak ate gi:goam,
até gindigonem, Yesu Pailøt-té
ginø-ituím. Yaq Pailøt Yesu
gembobevap, “Gê, qo Zu
ezoqam-gê kawà?” Yaq
Yesu gembo-qavøiu,
“Nándav, av qo
ndoqote-manqate.”



Pailøt Yesu nqonqotøve-qa
mbogoám. Yaq ndego ezoqa
ewaqaqe, manqat amba
zømbe-eín, nango. Geté ndigu
sekembá sege-akhaemám,
“Gèlaváo. Tae mutui-té
qanø-tøkeó!”




Taqa zita-te, Pailøt Yesu nakhag
ezoqam-qá zenda-té genøvé, tae
mutui-te bemō-tøkewem. Yaq nakhag
ezoqam, Yesu gèndafém. Yesu tae
mutui, ekezan mo:-eqatát, gemat.
Taon ge-ivav, yaq ta manqei ndógo
temøfakhán, kawa-pakha manqei
ndimbo-akhayam. (Iblu manqat-te,
ta manqei-qa iz, Golgotá.)



Yaq ndøgo, Yesu tae mutui-té
ginø-tøkewém. Até ezoqa menas
nømé-a, vōtøkebam. Nøme yáq
ginø-tøkewém, neka nøme
yaq vōtøkewem.
Yesu livin-mbá
gunu:-tøkewám.



Khøuwa wæev sègembo-navøém. Neka ndabua
ndøgo, Mbumbukiam-qa khoev mokho-te qafaleam,
sège-keqavát. Livin-mbá qanumu-qatavát. Yaq Yesu
kandambaqapé sege-akhá,
“Tát! Noge nqova, qoqá
zenda-té qatøveét.”
Ndego nqanek manqat
gumu-ein, yaq gènaním.



Ezoqa kopo møndøgoám. Teqa iz
Zoséf. Alimatea vemiav-ák.

Ndego manqa ovøyam
ezoqam kandambaqape
ndøgoám. Neka ndego
Mbumbukiam-qá
Megeat Matev-qa
mo:kewagám.

Yaq qakhagus
ndøgo, Sabat
khøuwa khakheinam
khøuwa-te, ngenek
Zosef, møe goneáv,
geté Pailøt-té
genøwáv, Yesu-qa
kha-qa yaq-te
vømømbō-viam.




Yaq Zosef ndabua papaqa
møwí, Yesu-qa kha, tae mutui-te
qatøkeam, vømøndō-koqa.

Yaq teqa kha ndabuá
geneløvónám, manqei
ozu-te vōndap. Ta
manqei ozu ndøgo,
nandi nqá.

Yaq Zosef Yesu
temø-utáv ndøgo,
nandi-qape
vō-qambesam,
manqei-pakha
mboqog vōtok.




Yaq khøuwa nøme qandopave,
khøuwa kandakanda-qa
lou khakheinam khøuwa
qame-navøem,
Mbumbukiam-gi iziz
ezoqa kandakanda
neka Felisi ezoqam,
Pailøt-té ginøzáv.



Gimbo-einim, “Khanánqa. Ni matavap
āv qanimbi-veséz nqáego:
Ndego khavozam
ezoqam gekhandi:vtam,
ndego āv gene-eín,
‘No løvøte-te nango
ndækhandi:n,
khøuwa misika-qa
zita-te.’”



Yaq ndigu manqei-pakha-te
vōzav. Yaq nandi-qape-te
ndøgo, ndigu mboqog-te
go:zavam, khakhatap
mo:goném.



Soqaín ndøgo, ezoqa sa ti-oz.
Yaq nakhag ezoqam,
sègeziváz ndøgo,
manqei-pakha
gimbo-kewagat.




Sabat khøuwa qame-navøem,
yaq Sande qanaqanus
qandopave, Meli, ndugu
Magdala vemiav-ak, neka
Meli nømu, manqei
pakha-té ginøzáv.
Ambá
gèmø-qeivimín.




Yaq nqova mbaín, manqei
qando-kukuvøem. Manqei
kukuvøem kandambá. Zapa
ndógo, Evezøza-gé enzol
ezoqam ndovís, yan-te,
nandi-qape
vø-qambesam,
manqei-pakha
mboqog

tambav-te
go:zavam, nandi
mumat sasa
mo:qom.




Yaq nakhag ezoqam gi-ometam,
ndigu m̄øe kandambá. Kha
sègezømbu-wageapát,
v̄ø-o:az. Andé l̄øvøte
ezoqam me
me:singitavát.



Geté ndigu sakheis, enzol ezoqam
āv gezømbe-eín nqáego, “Zo mõe
ndøgòněm. No møtenøtén.
Zo Yesu-qa zovawét,
ndego tae mutui-te
gitøkewem. Ndego
nqanek mbaín.”



“Mbumbukiam møndø-khandi:v,
løvøte-te. Ate av-té, ekezan
manqat ge:manqatam.
Zøtøndézāv. Manqei
ndøgo, ma kha
qæveam, nqáneq.”




Yaq ndigu sakhei menas, manqei-pakha
sège-ivøvém. Nakhamas-té. Møe-ús.
Geté até khanakhanakh kandambá.
Yaq tegi paev ezoqam-té
ginøbøín. Ambá manqat
møzø-einín. Geté nakhoa livin
ndøugu, nqáe!



Yesu zøfakhán, vøzø-ein, “Qanaqanus
mbomá, zo-te!” Yaq ndigu tinøzáv
ndógo, katuk vømbō-møkuim,
zenda tokhotapak sasa
mbogeagimem,
vømbō-vizumem.






Yaq vaev Yesu ekeza paev ezoqa ileven-té
genøfakhán, ate av-té lou gi:logat. Yaq ndego
gèzøponqóm. Zapa ndógo, ndigu tiqa manqat
unimanqatinteáv, ndigu Yesu gi-ometam, løvøte-te
gendo-khandi:v. Mbøni gèzø-tokeapám. Evezøza
Yesu, ti-te manqa manqate qamømbøe-navøem, yaq
Mbumbukiam yan-té genøndáf, yaq ndego
Mbumbukiam-qa nakeamo zenda-te vømōqom.



Mbumbukiam ni manqei-qape ezoqam,
teqa kuku matev kandambaqape, āv
gininømánd nqægo: Ndego ekeza Yo
kopo ni-etoám. Yaq gekha ezoqām
ndeogo, te-unimanqatin, ndeogo
soqaqape géqeivák, geté
khandi miavmiav
ndøndáp.



Lom 3:23

Ni ezoqa ate nqazi:gu, manqa-zapazapa-ús. Ni zibusøtøvém, matev, av Mbumbukiam qambøe-pøovam. Yaq ni ambá av nqægo, Mbumbukiam-qā waev-tē qazu:yagē.

Lom 6:23

Zapa ndøgo, manqa-zapa-qa yaq-fia, løvøté. Geté Mbumbukiam-qa etoam matev, ndøgo ni yaq-mba ndini-etoam, ndøgo khandi miavmiáv. Keliso Yesu mokho-té qazindapé, ndego nigi Evezøza.

Iblu 9:27

Ezoqa ewaqape, bèpakhaezát. Kopo mé:nanimát, yaq Mbumbukiam-qa manqa ovøyam-te bemø-itanat.



Efesus 2:8,9

Zo Mbumbukiam-qá kuku matev-té qazøte-khandī:z, zo Yesu qazo-unimanqatinim. Zo ambá av nqægo, zøkeza matev matanam mokho-tē qazøte-khandī:z. Āv taoká. Ndego zo khandi, yaq-mbá segezø-etoám. Zo ambá av nqægo, sasai-qape zøte-khanøzēm. Yaq nakémbá, ezoqa kopømba mbaín, ti:khambuvupat.

Lom 10:9,10

Qo qakeza tou toqote-ein, av nqægo, “Yesu ndego Evezøzā,” neka mbøni mokho-te voqó-unimanqatīn, av nqægo, Mbumbukiam Yesu møndø-khandī:v løvøte-te, yaq qo ndòqo-khandī:q. Zapa ndógo, gekha ezoqām ndego, teqa mbøni mokho-te nde-unimanqatinat, ndego gé-ndaføyamba-év, Mbumbukiam-qa bøi-te. Neka gekha ezoqām ndego, teqa tou-te ndemanqate, av nqægo, “No nò-unimanqatināt,” ndego ndøkhandī:v.



Zion 3:16,17

Mbumbukiam ni manqei-qape ezoqam, teqa kuku matev kandambaqape, āv gininømánd nqáego: Ndego ekeza Yo kopo ni-etoám. Yaq gekha ezoqām ndego, te-unimanqatin, ndego soqaqape géqeivák, geté khandi miavmiav ndóndáp. Mbumbukiam ekeza Yo, nqanek manqei-qape-te, ambá ta zapaya ndøgo tendē-khofotav, manqei-qape ezoqam, manqa ovøyam-tē genø-āb. Geté ndøgo tende-khofotáv, manqei-qape ezoqam, te mokho-te gékhandi:z.



1 Zion 5:11-13

Manqat ndøgo, Mbumbukiam ni-te nde-unimanqatinat, nqáneek: Ndego ni khandi miavmiav ni-etoám. Neka nqanek khandi, ekeza Yo-qá mokho-té qanu:gú. Ezoqam ndego, Mbumbukiam-ge Yo ndembogo, ndego khandi miavmiav mbogó. Neka ezoqam ndego, Mbumbukiam-ge Yo mbain ndego, ndego khandi miavmiav, mbaín. No nqanek manqat tæzømbe-peawám ndógo: Zo ezoqam, zo Mbumbukiam-ge Yo ndozo-unimanqatinat, zo vøezøté, av nqægo, zo khandi miavmiav, ndøzøgó.



Metiu 26-28; Luk 22-24; Zion 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Kuni-Boazi NT (kvg) ©2018, Wycliffe Bible Translators, Inc.
All rights reserved.

<https://www.bible.com/bible/2085/MAT.1.KVG>

©2026 Bible for Children, Inc.

www.M1914.org

www.bibleforchildren.org

